

赤白痢

湯氏云小兒痢疾皆因飲食無節或餐果食肉不知厭足乃脾胃尚弱不能尅化停積於臟故成痢也熱搏則赤風寒之氣入於腸胃致令津液凝滯則成白痢或夾青者有驚積或如魚腦肚中疼甚者大抵八痢但冷熱赤白藥性雖有不同治法不相遠矣又有赤白相雜者當先去其熱積須用大黃枳實朴硝之類以去其熱毒然後黃連黃芩黃檗解其熱痢自止疼自定此妙法也如痢不止則用地榆熟艾等劑調

理自然平復脾虛者不可輕用罌粟瀉滯等劑必致

危困須用沒石子黃連阿膠地榆以止之方爲盡善

其枳殼芍藥皆要藥也噤口痢不能食者石蓮散主

之香脯散亦可冷痢如豆汁肚疼者胃風湯主之脾

毒痢臟熱當服香連丸黃連香薷散去桂五苓散驚

茅花湯當歸芍藥枳殼地榆川芎等劑先與解毒退

熱却與開胃進食分利水穀寬腸定痛先與水浸丹

局方敗毒散痘初熱地榆飲寬腸枳殼散有熱而痢不

止者三黃熟艾湯主之積滯不通者神芎丸亦可用

熱甚煩躁者黃連解毒湯解之煩躁潑火散亦効

曾赤白之痢世人莫不曰赤爲陽爲熱白爲陰爲冷或曰無積不成痢至於調治若以冷熱之劑互進或投去積之藥必難取效不究其原何由可療且四時八風之中人五運六氣之相勝夏秋人多痢疾內經曰春傷於風夏生飧泄至真要大論曰少陽在泉火淫所勝民病注泄赤白其可拘於無積不成痢之說乎若專以積爲論豈一歲之中獨於夏秋人皆有積春冬不然蓋風邪入胃木能勝土不爲暴下則成痢疾赤白交雜此爲陰陽不分法當分正陰陽五苓散以導其逆理中湯以溫其胃使色歸一然後施治若一

分之後仍赤白同下則當究其所患之因若先白後赤乃內傷生冷失於蓋覆由元氣感於暑熱治法先救其裏次解暑毒若先赤後白乃先傷熱而後失蓋感冷先宜解熱後治其痢 有夾熱而痢者則下純

鮮血此風能動血宜冷服黃連香薷散

吐瀉

川草散

及當歸散

潮熱

加醋炒蒸栢葉水薑煎服或羌活散

加三和湯水薑倉米煎

有挾冷而痢者則下純白

凍或白上有粉紅色或似猪肝瘀血皆爲陰證蓋血

得寒則凝澀故也先用咬咀五苓散加守中湯

瀉煎

投次以附子理中湯帶涼服或固真湯

慢驚

倘不辨

其虛實冷熱妄行施治必致脾胃愈虛不能乳食成
噤口痢者則難療矣又有裏急後重蓋裏急爲陽後
重爲陰未圍前腹痛爲裏急已圍後腹痛爲後重故
裏急者大腸澀也先以大順飲加寬氣飲急驚和解
及羌活散水薑倉米煎服次下寬腸丸後重爲氣虛
用咬咀五苓散加入參水薑煎服併投香連丸若二
證俱作前二丸子並進或雙金飲金粟丸亦佳然瀉
痢二字自是兩證糞夾水來多而順者曰瀉帶血凍
白凍來三五點而痛者曰痢輕重陰陽於此而分斯
爲治法有膿血交雜經久不止晝輕夜重或晝夜頻

數食減痛多並用萬金散神効散主之 有五色痢者乃因五臟蘊熱日久不散故有是證蓋五臟受熱榮衛不調五穀不化熏腐臟腑神氣昏沉此候已危最苦是腹中刺痛兒小者無治法蓋五色者乃五臟之色皆見於外兒大者可用局方三神丸或小來復丹以五苓散送下或者可療若投藥如故不可爲也 又有風痢多是黃褐色與瘡瀉頗同但不臭爲異耳此風毒停滯於脾宜去脾經風毒瀉黃散主之若見赤白同下久而不禁小便少澀痛熱並作唇裂眼赤氣促心煩坐臥不安狂渴飲水穀道傾陷時復面

容如粧飲食不進者難治

薛錢仲陽云瀉痢黃赤

黑皆熱也瀉痢青白米穀不化皆冷也東垣云白者濕熱傷於氣分赤者濕熱傷於血分赤白相雜氣血俱傷也海藏用四君芎歸治虛弱之痢四君乾薑治虛寒之痢愚嘗治手足指熱飲冷者爲實熱用香連丸手足指冷飲熱者爲虛寒用異功散送香連丸若兼體重肢痛濕熱傷脾也用升陽益胃湯小便不利陰陽不分也用五苓散若濕熱退而久痢不愈者脾氣下陷也用補中益氣湯倍加升麻柴胡瀉痢兼嘔或腹中作痛者脾胃虛寒也用異功散加炮薑木香

或變而爲瘧者肝尅脾也用六君升麻柴胡釣藤鈞
若積滯已去痢仍不止者脾氣虛也用四君子送下
香連丸若因乳母膏粱厚味六淫七情致兒爲患者
當各推其因仍兼治其母并參冷熱瀉及積滯腹痛
等證覽之

挾表證宜發表羌活散 治傷風時氣頭痛發熱身
體煩疼痰壅咳嗽失音鼻塞聲重及解時行下痢
赤白

人參 去蘆

羌活

赤茯苓 去皮

柴胡 去蘆

前胡 去蘆

川芎

獨活

桔梗

出地炒

枳殼

去穢麤炒微黃色

蒼朮

米泔水浸一宿去粗皮漚乾剉片炒至微黃色

甘草

各壹兩

右剉每服二錢水一盞薑二片薄荷三葉煎七分

無時溫服發散風邪入葱白同煎痢證薑倉米煎

有積宜下之湯治痢之法若欲取積只用官局進食

丸痞甚穩雖取積又能治痢萬無一失積已下急以

四君子湯加豆蔻訶子補之次服厚腸香連丸得効

丹治小兒痢疾

黃連

黃芩

大黃

甘草

右煎服赤痢加紅花桃仁白痢加滑石末

治小兒赤白痢多體弱不堪下大困重者麻子壹合

炒令香熟爲末每服一錢匕蜜漿水和服効

水浸丹 治瀉痢先鋒之藥

黃丹

研細
壹兩

巴豆

大者貳拾伍箇去皮膜研
細出油或黃丹貳兩半

右研勻用黃蠟半兩鎔作汁拌勻量大小旋丸水
浸吞下湯使更臨病隨意用一方黃丹壹兩巴豆
肆拾玖粒乳香貳錢麻油貳錢蠟半兩鎔汁和丸
名頓止丹又冷證加木香貳錢半

寬腸丸 治痢後裏急大腑閉澀不通

枳殼

水浸去穢剉片麥麩炒微黃仍用清油浸透壹兩焙乾伍錢

麻仁

去殼

木通

去皮節

大黃

半生半炮

檳榔

大腹皮

淨洗焙乾各貳錢半

右除麻仁用乳鉢極細杵外五味檳榔不過火餘焙同研成末入乳鉢中與麻仁再杵勻煉蜜丸棗豆大每服三十丸至五十丸仍以枳殼甘草煎湯空心送下一二歲嬰孩溫蜜湯下

熱痢用涼藥海藏治赤痢用四君子加赤芍藥當歸入粟米少許同煎

黃連解毒湯

治時疾三日已汗解苦煩悶乾嘔口

燥呻吟錯語不得臥亦治熱痢

黃連

叁錢

黃檗

半兩

梔子

肆箇

黃芩

壹兩

右剉散每服三錢水一盞煎六分去滓服

潑火散

治中暑煩躁發渴口乾及治血痢

青皮

去白

赤芍藥

黃連

去鬚

地榆

各等分

右爲細末每服一錢冷水調下如畜熱而氣血妄

行加甘草

芍藥

皮丸

治一切惡痢窘痛膿血

芍藥

黃檗

各壹兩

當歸

黃連

各半兩

右爲末滴水丸小豆大每服二三十丸熟水下加

枳殼

寬腸枳殼散

順氣止痢

甘草

陸錢炙

枳殼

去穰炒貳兩肆錢

右爲細末每服一錢空心沸湯點服

三黃熟艾湯

治積藏府下痢赤白及治傷寒四五

日而大下熱痢服諸藥多不止宜服之

黃芩

黃連

黃檗

各柒錢半

痢

外科

卷七

脩敬堂

熟艾

半雞子大

右剉散每服三錢水一盞煎六分去滓溫服

地榆散

治瀉痢血痢

地榆

訶子

甘草

各等分

右爲末鹽米湯調下有熱加黃芩

又方

地榆

訶子

厚朴

薑製各等分

右剉散每服二錢水一盞薑棗煎服

地榆飲

治冷熱痢腹痛下痢赤白頻併

地榆

甘草

芍藥

枳殼各貳錢半

右剉散每服二錢白水煎加黃連妙

又方

地榆

烏梅

檉皮

甘草

當歸各等分

右剉散每服二錢煎服

川草散 治腹痛下痢赤白不拘遠近

川芎

白芷

甘草半生半炙各柒錢

赤芍

當歸酒洗

淨黃連各伍錢

右剉焙爲末每服半錢至一錢白痢白薑湯調赤

痢

玄和

卷

修葺堂

痢甘草湯調赤白痢溫米清湯調並空心服

治熱痢備急方

用井花水調臘茶蜜磨生薑渴則飲之

本事治小兒赤痢

搗青藍汁二升分四服聖惠方治小兒中蠱下血

治小兒屎血

甘草伍分以水六合煎取二合去查一歲兒一日

服令盡

錢氏黃檗丸 治小兒熱痢下血

黃檗去皮半兩 赤芍藥肆錢